

مرند اۆيکو

Mərənd öykü



غوربت

يازار: نريمان ناظيم

Web address: www.marand-oyku.arzublog.com

Facebook: www.facebook.com/marandoyku

Email: rezaaydin491@yahoo.com

غوربت نریمان ناظیم

نهایت کیشی سینسییر:

- یوخ، دئیہ سن بو گئنه ده قویما یا جاق بیز یاتاخ ... ائلی ... ائلی ...، ائلدار، اده آز دانیش آخی!
ائلی یوخودان سیچراییر. دورور یئرینده اوتورور، گۆزلرین اوووشدورور.

- گئنه ده یوخو گۆردون؟

ائلی جاواب وئرمه دن گۆزلرین میلیونلار چیراغین ایشیغی ایله یانان نهنگ شهره زیلله ییر.
یایین اوغلان چاغی دی. هوندور بیر تیکینتی نین هله باشا چاتمامیش مرتبه لرین بیرینده
یئرلشیر قالیرلار. کیشی ده دورور اوتورور. بیر پاپریز آلیشدیریپ، سوروشور:

- دئمہ دین نه یوخوسو گۆردون؟

- نه گۆره جهیم، هر گئجه گۆردویومو!- دئیہ ائلی توما گئدیر. قوزئی دن یوموشاق بیر کولک اسیر،
قاپی- پنجره سیز ائوده دولاشیر، اونون بویون- بوغازین اوخشاییر.

- دئییرم اژدر عمی، گۆره سن او گولده سته نین باشیندان بیزیم کندیمیز گۆرسه نر؟

- او گولده سته دئییل اوغول، اونا بورج دئییرلر، گویا قیرخ تاباغا ایشله نه جک.

- یاخچی، اولسون، بورج اولسون، اونون باشیندان کند گۆرسه نر؟

- اوغلان هئش گۆر آغیلا سیغان دی، بوردان کنده یوز آغاچ یولدو، بلکه ده چوخ!

ائلی سوسور، گۆزلری بورجا دیکیلی قالیر.

قیزمار گونش شاخیر. اوستا اژدر توخونموش آلماتورلاری سوتونلارین اوستونه یاراشدیریر. ائلدارین
اؤزو بورادادیرسا، باخیشی بورجون باشیندا گزیر، الین ایشدن چکیر سوروشور:

- دئییرم اژدر عمی، گۆره سن، او بورجدا آلماتور ایشی ده وار؟

اوستا اژدر آجییر:

- هله سن بیر دوغدوغونو بؤیوت، بورانین ایشین قورتاردین قالدی اورا؟ گوناورتا اولدو، بیر ال
دبهرت آخی! گئنه نه اولدو، کورکوهه بیره دوشدو؟!

ائلی بیر سؤز دئمہ دن ایشه قوشولور. آما بورجا چیخماق فیکیری دئنهین چولقالاییدیر. دئمک،
او اؤزنده دئییل، بونا گۆره ده هاچان قانادلانیب، هاچان بورجون باشینا قونماسینی اؤزو ده
بیلمه ییر: بویلانیر ... بویلانیر، تاپیر ... اؤزودو. نازلی دی ... حسن بولاغی نین اوستونده کی گدیکده
دایانیب، کوزه چیینینده، اللرینی گۆزونه کؤلگه لیک ائله ییر. کند یولو اوزونو باخیر ... هه، اؤزودو،
نازلی دی، یاپا یاپیر، ... اؤزودو، کرمه کسیر، تۆوله چیخاردیر، ... اؤزودو حیط سوپورور، سنشمه

PDF created with pdfFactory Pro trial version www.pdffactory.com